



স্বরাষ্ট্র মন্ত্রক

এন.সি.আর.বি. প্রকাশনার “ক্রাইম ইন ইন্ডিয়া ২০১৬—পরিসংখ্যান” প্রকাশ করলেন কেন্দ্রীয় স্বরাষ্ট্রমন্ত্রী শ্রী রাজনাথ সিং গত তিন বছরে খুন, দাঙ্গা, ছিনতাই ও ডাকাতির ঘটনার হ্রাসের প্রবণতা

Posted On: 01 DEC 2017 1:25PM by PIB Kolkata

স্বরাষ্ট্র মন্ত্রকের অধীনস্থ জাতীয় অপরাধ রেকর্ড ব্যুরো'র (এন.সি.আর.বি.) প্রকাশনা “ক্রাইম ইন ইন্ডিয়া ২০১৬—পরিসংখ্যান”—এর বৃহস্পতিবার আনুষ্ঠানিক প্রকাশ করলেন কেন্দ্রীয় স্বরাষ্ট্রমন্ত্রী শ্রী রাজনাথ সিং। এই প্রতিবেদনে প্রথমবারের মতো ১৯টি মেট্রোপলিটন শহরের (২০ লক্ষের বেশি জনসংখ্যার) চিত্র দেখানো হয়েছে, যেখানে “হিংসাত্মক অপরাধ”, “মহিলাদের বিরুদ্ধে অপরাধ”, “শিশুদের বিরুদ্ধে অপরাধ”, “জুভেনাইলের সঙ্গে আইনের সংঘাত”, “এস.সি./এস.টি.'র বিরুদ্ধে অপরাধ”, “অর্থনৈতিক অপরাধ”, “সাইবার অপরাধ”, “প্রবীণ নাগরিকদের বিরুদ্ধে অপরাধ” এবং “পুলিশ ও আদালতের মামলার নিষ্পত্তি” নিয়ে অনুচ্ছেদ রয়েছে।

এই প্রকাশনার উন্মেষযোগ্য বিষয়ের মধ্যে রয়েছে “নিখোঁজ ব্যক্তি ও শিশু” নিয়ে একটি নতুন অনুচ্ছেদ এবং সি.এ.পি.এফ./সি.পি.ও. (আসাম রাইফলস,সি.আই.এস.এফ., বি.এস.এফ., সি.আর.পি.এফ., এন.আই.এ. এবং এস.এস.বি.) যেসব অস্ত্র, গোলাবারুদ, নেশা জাতীয় পণ্য এবং টাকা উদ্ধার ও আটক করেছে, প্রথমবারের মতো তার পরিসংখ্যান। তাছাড়া রেলওয়ে আইন ১৯৮৯ এবং রেলওয়ে সম্পত্তি (বেআইনি দখল) আইন ১৯৬৬-এরঅধীনে আর.পি.এফ. যেসব মামলা নথিভুক্ত করেছে এবং তার নিষ্পত্তি করেছে, তার নতুনতালিকা।

গত তিন বছরে খুনের মামলার হ্রাসের প্রবণতা পরিলক্ষিত হচ্ছে। ২০১৫ সালের ৩২,১২৭টি খুনের মামলা ৫.২% কমে গিয়ে ২০১৬ সালে ৩০,৪৫০টি হয়েছে। এই সময়ের মধ্যে দাঙ্গার মামলা কমেছে ৫ শতাংশ। অর্থাৎ ২০১৫ সালে যেখানে ৬৫,২৫৫ টি মামলা ছিল, সেখানে ২০১৬ সালে কমে গিয়ে হয়েছে ৬১,৯৭৪ টি। ছিনতাইয়ের মামলা কমেছে ১১.৮ শতাংশ। ডাকাতির ঘটনা ২০১৫ সালের ৩,৯৭২ টি থেকে কমে গিয়ে ২০১৬ সালে হয়েছে ৩,৭৯৫টি।

“মহিলাদের বিরুদ্ধে অপরাধের” ক্ষেত্রে ২০১৪ সালের(৩,৩৯,৪৫৭ টি) তুলনায় ২০১৬ (৩,৩৮,৯৫৪ টি) সালে উন্মেষযোগ্যভাবে হ্রাস পেয়েছে। যদিও ২০১৫ সালের (৩,২৯,২৪৩ টি) তুলনায় তা বেড়ে গেছে। “জুভেনাইলের সঙ্গে আইনের সংঘাত”—এরঅধীনে গৃহীত মামলাও হ্রাস পেয়েছে। এক্ষেত্রে ২০১৪ সালে যেখানে ছিল ৩৮,৪৫৫টি মামলা, সেখানে ২০১৬ সালে হয়েছে ৩৫,৮৪৯টি মামলা। যদিও ২০১৫ সালের (৩৩,৪৩৩টি) তুলনায় তাকিছুটা বেড়েছে। অন্যদিকে তপশিলি জাতিদের বিরুদ্ধে নৃশংসতা/অপরাধ ২০১৫ সালের (৩৮,৬৭০টি)তুলনায় ২০১৬ সালে (৪০,৮০১টি) ৫.৫ শতাংশ বৃদ্ধি পেয়েছে। তপশিলি উপজাতিদের বিরুদ্ধে নৃশংসতা/অপরাধ ২০১৫ সালের (৬,২৭৬টি) তুলনায় ২০১৬ সালে (৬,৫৬৮টি) বৃদ্ধি পেয়েছে ৪.৭শতাংশ। যদিও তা ২০১৪ সালের (৬,৮২৭টি) তুলনায় অনেকটাই কমেছে।

২০১৬ সালের ৪৮,০১,৫১৫টি বিচারযোগ্য অপরাধের মধ্যে ভারতীয় দণ্ডবিধির (আই.পি.সি.) অপরাধ ২৯,৭৫,৭১১টি এবং বিশেষ ও স্থানীয় আইনের (এস.এল.এল.)অপরাধ ১৮,৫৫,৮০৪টি ছিল। যা ২০১৫ সালের (৪৭,১০,৬৭৬টি) তুলনায় সামান্য কিছু ২.৬ শতাংশ বৃদ্ধি পেয়েছে। এর মধ্যে আই.পি.সি. অপরাধ বেড়েছে খুব সামান্য অর্থাৎ ০.৯ শতাংশ(২০১৫ সালের ২৯,৪৯,৪০০টি'র তুলনায় ২০১৬ সালে ২৯,৭৫,৭১১টি)। রাজ্যের হিসেবে আই.পি.সি. অপরাধের ক্ষেত্রে উত্তরপ্রদেশে হয়েছে ৯.৫ শতাংশ এবং এরপর মধ্যপ্রদেশে ৮.৯ শতাংশ, মহারাষ্ট্রে ৮.৮ শতাংশ এবং কেরালায় ৮.৭ শতাংশ। অন্যদিকে শহরগুলির ক্ষেত্রে সর্বমোট আই.পি.সি.'র মধ্যে দিল্লিতে হয়েছে ৩৮.৮ শতাংশ এবং এরপর রয়েছে বেঙ্গালুরুতে ৮.৯ শতাংশ এবং মুম্বাইয়ে ৭.৭ শতাংশ।

এর সম্পূর্ণ প্রতিবেদন রয়েছে এন.সি.আর.বি.'র ওয়েবসাইটে: www.ncrb.gov.in .

(Release ID: 1511455) Visitor Counter : 8

